

宮門抄○分選單○科抄奉 旨四道○諭旨三道二錄前○大臣巴 奏為遵 旨覆奏摺子○大臣毓 奏為需用銀兩摺子○又

奏請飭部議給夫役口分銀夾片○大臣杜 奏為揀員管理生駝廠摺子○江撫劉 奏為酌調廉官夾片○十月二十五日禮

部宗人府欽天監爾藍旗值日無引 見○遷公假滿請 安○潘祖蔭前往 東陵收工請 訓○全慶謝授正紅漢副都統 恩○

松林謝授奉天驛巡道 恩○榮惠請假十日○師曾續假五日○宗人府奏改派致祭 昭西陵之王公 派出肅王○內閣奏派驗

放之王大臣 派出怡王榮春榮靈桂殷兆鏞○禮部奏派送册寶之大臣 派出察杭阿阿昌阿○兵部奏派喇嘛弓刀石之大臣

派出怡王榮祿錢寶廉○召見軍機 松 林 ○光緒二年十月分選單 知縣福建清流玉梁廂紅舉廣西靈川徐階安徽增雲南

建水章於錦安徽廩直隸肅寧蘇玉正紅生員雲南忠安榮昭廂紅藍 縣丞廣東新安劉鍾駿四川監 吏目甘肅階州戴尙志陝西

吏員廣西象州范劍四川監 巡檢直隸鹽山陳賡虞山東史員 典史福建連城陳國均浙江貴州安化徐鎔甘肅監 ○科抄○

吏部題七月分急選左雜各官奉 旨李漢模等依議用餘依議欽此○兵部題儘先都司韓邦喜擬補陝西陝安城守營都司奉 旨

韓邦喜依擬用餘依議欽此○又題廣東儘先守備黃煥勝擬補南詔連鎮左營守備奉 旨黃煥勝依擬用餘依議欽此○又題廣東

儘先守備祝上彪擬補南詔鎮右營守備奉 旨祝上彪依擬用餘依議欽此○奉 旨上諭衍聖公孔祥珂現在濬逝應得卹典該衙

門察例具奏欽此 ○奴才巴揚阿穆克德布恩來謹跪 奏為遵 旨覆奏仰祈 聖鑒事竊光緒二年八月初十日由兵部火票

遞到軍機大臣字寄光緒二年七月二十八日奉 上諭喜昌奏請揀選各省旗兵就近訓練一摺等因欽此遵 旨寄信前來奴才等

跪讀之下仰見我 皇上於訓練兵丁務期有裨于實用至意奴才等身任封圻不惟時勢應加訓練即平日於訓練操防尤當實力講

求以期仰報 高厚於萬一謹將原奏各條就奴才愚昧之見縷晰陳 聞 一原奏步隊以六百人為一營編立中前左右後親兵六

札中前左為迎擊正隊右後為冲鋒伏隊此立營良規也如人之身而有四肢也奴才於蒞荆之初每於春秋二季遵照部頒陣圖操

練外復設有新陣以練進退也荆州滿蒙五十六札崗一千人為一營每札崗十八九人不等內大旗一桿領旗一人鳥槍十人抬槍四

人長矛三人七札崗為一隊每隊大轟一桿金鼓各一面前後官各一員中軍正白轟一桿親兵百人抬炮四尊長矛斬馬刀各四十名

以協領主之連環施放步步為進步步為退遠則放槍迎擊近則長矛對敵按次遞加雖萬人數十萬人亦由是也更換輪操務期肅成

勁旅 一原奏陣法尤宜熟悉也必有陣而後能分合必有陣而後能進退不慮其擁擠退不慮其蹂躪進則從容退則能顧千人萬

人皆能隨順旂轉動誠為臨敵之要練兵不可不知者也惟旂兵與勇丁稍異旂兵成了後即自知其為某旗之人某札崗之兵某札

崗應換某札崗其眼目素所熟悉奴才所操之陣而論如賊至前兩黃正黃為衝擊之兵正藍廂藍為接擊之兵正白鑲白攻其左正紅

鑲紅攻其右如賊至後則正藍鑲藍為衝擊之兵鑲黃正黃為接擊之兵正紅鑲紅攻其左正白鑲白攻其右至于左右無不皆然中軍

視各路之強弱以為之援皆能隨旂轉動散而為九合而為一此雖八旂仍與中前左右後數合似無兩另更名色致亂眼目 一原奏

陣法尤宜快而齊也平日練隊之法正隊在前伏隊在後由近而遠撲地而上一鼓作氣如能進至六里速如星電齊如堵端則可為進

隊得法也奴才於臨荆時即設立新陣選壯兵習練鳥槍進退環攻衝擊之法歷年來步法整齊皆能指揮如意 一原奏兵丁尤宜選

也勿論額兵西丹務要二十以上三十以內漢仗精壯使槍者知藥之多寡子之輕重習射者要八力硬弓射箭雖中箭稍次亦即挑補此不選

空演三日打响一日於節省火藥之中亦得精妙技藝奴才每於挑補兵額時即設八力六力硬弓射箭雖中箭稍次亦即挑補此不選

之選也每於三九日令鳥槍兵演打準頭中三槍者賞二鎗者停一鎗者跪不中者責如此則鳥槍兵配藥之多寡食子之輕重打出之

遠近子路之合腔與否無不盡知此外一六日較步射二八日演習雜項技藝四七日演馬上各藝五十日合操大陣一次此奴才蒞任

十數年之定規未敢一日稍暇者也然練兵之法不外賞罰兵法最要節制二字步伐整齊有節制之條目也其鳥鎗跪坐臥之法惟適

於觀難適於用應請毋庸議至於臨陣破敵因險設伏審情料勢或作氣衝擊或專精蓄銳全在隨時應用不能預為逆料也 一原奏